

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po Zahtjevu privrednog subjekta „ASA FINANCE” d.d. Sarajevo, dioničko društvo za ekonomski, finansijski i pravni konsalting, Bulevar Meše Selimovića 16, 71 000 Sarajevo o obavezi podnošenja Prijave koncentracije

Sarajevo
juni, 2015. godine



Broj: 01-26-7-5-1-I/15
Sarajevo, 25.06.2015. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja privrednog subjekta „ASA FINANCE“ d.d. Sarajevo, dioničkog društva za ekonomski, finansijski i pravni konsalting, Bulevar Meše Selimovića 16, 71 000 Sarajevo, zaprimljenog od strane Konkurencijskog vijeća dana 06.02.2015. godine pod brojem: 01-26-7-5-I/15, Konkurencijsko vijeće, na stotinu šestoj (106.) sjednici održanoj dana 25.juna 2015. godine, donijelo je

MIŠLJENJE

Privredni subjekt „ASA FINANCE“ d.d. Sarajevo, dioničko društvo za ekonomski, finansijski i pravni konsalting, Bulevar Meše Selimovića 16, 71 000 Sarajevo (u daljem tekstu: Podnosilac zahtjeva ili ASA FINANCE) podnio je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 06.02.2015. godine pod brojem 01-26-7-5-I/15.

Podnosilac zahtjeva traži mišljenje u vezi obaveze ponovnog podnošenja Prijave koncentracije nakon objave novog dobrovoljnog javnog tendera.

U Zahtjevu je navedeno da je Podnosilac zahtjeva u skladu sa članom 16., a u vezi sa članom 12. i 14. Zakona o konkurenciji, dana 26.12.2014. godine podnio Prijavu koncentracije po pravnom osnovu objave dobrovoljnog javnog tendera objavljenog u Dnevним novinama „Oslobođenje“ dana 24.12.2014. godine i Ispravke i dopune tender ponude za kupovinu dionica Investicijsko-komercijalne banke d.d. Zenica objavljen dana 25.12.2014. godine u istim novinama, kao i da je Prijava koncentracije podnesena Konkurencijskom vijeću BiH dana 26.12.2014. godine pod brojem: 03-26-1-048-II/14.

Naime, Podnosilac zahtjeva ima namjeru ponovo objaviti drugu dobrovoljnu javnu tender ponudu za sticanje većinskog paketa dionica Investicijsko-komercijalne banke d.d. Zenica, budući da isti objavom prve tender ponude od 24.12.2014. godine nije stekao planirani broj dionica, odnosno većinski paket dionica predmetne banke.

Nadalje, imajući u vidu da je Podnosilac zahtjeva već nakon prve objavljene tender ponude podnio Prijavu koncentracije, te imajući u vidu činjenicu da se radi o ponovnom raspisivanju dobrovoljne tender ponude za sticanje većinskog paketa dionica Investicijsko-komercijalne banke d.d. Zenica, Podnosilac zahtjeva traži mišljenje od Konkurencijskog vijeća u vezi sa postojanjem obaveze podnošenja nove Prijave koncentracije, odnosno da li se može smatrati da je već podnesenom Prijavom koncentracije broj: 03-26-1-048-II/14 od 26.12.2014. godine, ispunio svoju obavezu podnošenja Prijave koncentracije u skladu sa odredbama člana 16., a u vezi sa odredbama člana 12. i 14. Zakona o konkurenciji i nakon objave druge dobrovoljne tender ponude za kupovinu dionica predmetne banke.

Koncentracijom se, u smislu odredbe člana 12. stav (1) tačka b) Zakona o konkurenciji, smatra sticanje kontrole ili dominantnog uticaja jednog privrednog subjekta nad dijelom(vima) drugog privrednog subjekta i to:

- 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajednička ulaganja na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Članom 3. tačka e) Odluke o načinu podnošenja prijave i kriterijima za ocjenu koncentracija privrednih subjekta („Službeni glasnik BiH“, broj 34/10) propisano je da obavezu podnošenja prijave, uz ispunjenje uslova iz člana 14. Zakona ima ponuđač, kod sticanja kontrole ili dominantnog uticaja na osnovu javne ponude (naročito na način da se stiče većina dionica ili učešća ili većina prava glasa), dok je članom 9. tačka f) propisano da se kao pravni osnov koncentracije može uzeti javna objava namjere za ponudu kupovine akcija.

Privredni subjekti, učesnici koncentracije su obavezni podnijeti prijavu koncentracije u smislu čl. 12. i 14. Zakona o konkurenciji, u roku od 15 (petnaest) dana od zaključenja sporazuma, objavljivanja javne ponude dionica ili sticanja kontrole, zavisno od toga šta nastupi ranije, u smislu člana 16. stav (1) Zakona o konkurenciji.

Prijava koncentracije može se podnijeti i kada učesnici koncentracije dokažu svoju namjeru za koncentracijom zaključenim načelnim sporazumom, memorandumom o razumjevanju, pismom namjere potpisanim od svih učesnika koncentracije ili javnim objavljivanjem namjere za ponudu kupovine u smislu člana 16. stav (2) Zakona o konkurenciji.

Iz navedenog proizilazi da je, ukoliko su ispunjeni uslovi iz člana 12. i 14. Zakona o konkurenciji, Podnosilac zahtjeva dužan prijaviti namjeravanu koncentraciju u smislu člana 16. Zakona.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednica

Maida Čampara

Dostaviti:

- **Podnosiocu zahtjeva**
- **arhiv Konkurencijskog vijeća**